



Universitätsbibliothek Paderborn

Metropolis Salisvrgensis

Continens Primordia Christianæ Religionis Per Boiarium Et Loca quædam
vicina; Catalogum videlicet & ordinariam successionem Archiepiscoporum
Salisburgensium, & Coëpiscoporum, Frisingensium, Ratisponensium,
Patauiensium, ac Brixinensium

Hund, Wiguleus

Monachii, 1620

Sequitur Diploma Caroli Crasti, in quo fit mentio Episcopi Bathurici.

urn:nbn:de:hbz:466:1-13553

dicti fluuij, usque ad fines Erdgastegi, Rursus propagatur praedictus tractus a superius nominato fluvio Erlapho ex parte Austri usq; ad medium montis Slavorum Colmizadieti, vbi duabus arboribus signa certa posita sunt. Et ab eo loco ulterius extenditur praefatus locus, ex parte Septentrionali, usque ad Danubium. Et quæ plura sequuntur in literis quas subscriptis Adelbertus vice Ganzoaldi, anno Christi 832. 8. Octob.

Sequitur Diploma Caroli Crafti, in quo fit mentio Episcopi Bathurici.

IN nomine sanctæ & indiuiduæ Trinitatis. Carolus diuina favente clementia Imperator Augustus. Si membra Christi infirmiora, sed abundantiori honore dignissima, debita charitate amplectimur, & imperialis auctoritatis robore communimus, id nobis, & ad temporalis tranquillitatis gratiam, & ad æternæ felicitatis gloriam futurum sine hæsitatione confidimus. Proinde omnium fidelium Christi tam præsentium quam succendentium noverit industria, qualiter nos Monasterium beatissima Virginis matris Domini nostri Iesu Christi Mariæ in ciuitate Ratis. quod dicitur Oberemunster, quod pia memorie genetrix nostra Hemma regina, a Bathurico Ratisponen, Episcopo solenni ac legittimo concambio recepit, vbi ipsa corporaliter sepulta requiescit, in nostræ emuntatis defensionem suscepimus, ea videlicet conditione, ut neque nos, nec quisquam Imperator, aut Rex, aut Dux, aut Comes, aut regalis exactor, siue ex imperiali, siue ex propria auctoritate quicquid ibi ordinandi, aut exigendi habeat potestatem. Sorores quidem Abbatisa decedente, aliam quæ succedat moribus atque vita probabilem, unanimiter atque legitime elegant. Cui electioni siue ordinationi, non Imperator, non rex, non Episcopus, non aduocatus, non aliquis hominum in aliquo contradicat, nec difficultatem, nec molestiam quamlibet inferat. Sane aduocatum nullum habeant, nisi eum quem Abbatisa, & sororum concors discretio elegerit. Qui etiam aduocatus nihil iuris, nihil potestatis, nihil seruicij ibi requirere præsumat, nisi quod ei Abbatissæ & sanctimonialium bona voluntas constituat. Si quis vero deinceps hanc nostræ auctoritatis paginam propter suam cupiditatem infringere voluerit, omnium illorum criminum, peccatorum, delictorum, in extremo & districto examine, in præsencia Dei reus existat, pro quorum absolutione & redemptione pia memorie genetrix nostra ipsum Monasterium ordinavit, ditauit, atque magnificauit, & tamen malum suum studium nolle valeat, sed usque in finem seculi hoc præceptum nostrum in uiolabili persequeret. Et ut hæc nostræ auctoritatis constitutio firmiter, & certior habeatur, & diligenter obseruetur, manu propria subtus eam firmauimus, & bullæ nostræ impressione signari iussimus. Data XIII. Kalend. Marcij, Anno Dominiæ incarnationis DCCC. LXXXVI. Indictione IIII. Anno Imperij piissimi Imperatoris Caroli in Italia VI. in Francia. V. In Gallia II. Actuæ in villa quæ Rotuile vocatur in dei nomine feliciter Amen.

Signum domini Caroli Serenissimi Imperatoris Augusti.

Amalbertus Cancellarius ad vicem Luithardi Archicancellarii recognoscens. Data XIII. Kal. Marcij Anno Dominicæ incarnationis DCCCLXXXVI.